

Supervizor izdao nalog kojim se pojedinim agencijama za obezbjeđenje zabranjuje rad u Brčko Distriktu



Supervizor za Brčko dr. Raffi Gregorian izdao je danas nalog kojim se Alpha Security-ju i nekolicini drugih povezanih privatnih agencija za obezbjeđenje zabranjuje rad u Brčko Distriktu u narednih pet godina. Nijedna od agencija kojima se zabranjuje rad trenutno nije upisana kao agencija za obezbjeđenje u sudovima Brčko Distrikta ili Policiji Brčko Distrikta. Nalogom se takođe zabranjuje drugoj povezanoj agenciji, Centurion Security-ju, da proširuje postojeće poslove u Distriktu tokom istog perioda.

Supervizor je reagovao nakon što je primio nepobitne informacije od međunarodnih obavještajnih izvora u Bosni i Hercegovini da su pripadnici Alpha Security-ja učestvovali u obavještajnim i kontraobavještajnim aktivnostima koje su uperene protiv njega, kao i protiv OHR-a i osoblja Kancelarije za implementaciju Konačne odluke za Brčko. Takve aktivnosti su zabranjene zakonom Distrikta i protivne su odredbama Dejtonskog mirovnog sporazuma i drugih međunarodnih pravnih akata koji obuhvataju međunarodno zaštićene osobe.

“Na sastanku održanom 26. marta 2009. godine, Upravni odbor Vijeća za implementaciju mira je osudio aktivnosti i izjave aktera u BiH koje predstavljaju prijetnju osoblju OHR-a, osporavaju autoritet visokog predstavnika i Upravnog odbora Vijeća za implementaciju mira, te se prezrivo odnose prema obavezama strana u skladu sa Aneksom 10 Opšteg okvirnog sporazuma za mir i odlukama visokog predstavnika. Ove vrste aktivnosti izraz su otvorenog nepoštovanja osnovnih principa

Opšteg okvirnog sporazuma za mir, direktno utiču na političku situaciju, neprihvatljive su i moraju prestati," podsjetio je supervizor.